

JU UNIVERZITET U TUZLI  
Broj:03-38-666/01  
Tuzla, 21.2.2001. godine

Na osnovu 89. Zakona o visokom obrazovanju ( " Službene novine Tuzlanskog kantona ", broj 10/99 ), člana 31. Zakona o izmjenama i dopunama Zakona o visokom obrazovanju ( " Službene novine Tuzlanskog kantona ", broj 15/00 ) i člana 192. stav 1. Pravila JU Univerziteta u Tuzli, Senat Univerziteta, na sjednici održanoj 21.2.2001. godine utvrdio je

**METODOLOGIJU**

za pripremanje prijedloga za izbor kandidata u naučno-nastavna, umjetničko-nastavna, nastavna i saradnička zvanja

I

Utvrđuje se Metodologija za pripremanje prijedloga za izbor kandidata u naučno-nastavna, umjetničko-nastavna, nastavna i saradnička zvanja.

II

Naučno-nastavna vijeća fakulteta odnosno Umjetničko-nastavno vijeće Akademije su dužna, nakon obrazovanja komisije za pripremanje prijedloga za izbor kandidata u naučno-nastavna, umjetničko-nastavna, nastavna i saradnička zvanja, dostaviti komisiji Metodologiju iz tačke I i Tabelarni pregled podataka, koji čini sastavni dio Metodologije.

PREDSJEDNIK  
SENATA UNIVERZITETA



Prof.dr. Izudin Kapetanović

## NAUČNO - NASTAVNOM VIJEĆU FAKULTETA / AKADEMIJE

( Naziv fakulteta / Akademije )

- U preambuli navesti broj i datum odluke o imenovanju komisije za pripremanje prijedloga za izbor kandidata u naučno-nastavno, umjetničko-nastavno, nastavno i saradničko zvanje, nastavni predmet odnosno uža naučna oblast na koju se kandidat bira, te sastav komisije (ime i prezime, zvanje, nastavni predmet odnosno naučna oblast na koju je izabran, fakultet i univerzitet na kojem je izabran).
- Konstatovati kada i gdje je objavljen konkurs, navesti sve prijavljene kandidate i podnijeti izvještaj za svakog kandidata posebno.

### IZVJEŠTAJ

#### 1. BIOGRAFSKI PODACI KANDIDATA

Hronološkim redom dati slijedeće podatke:

- Datum i mjesto rođenja,
- Tok školovanja: osnovna, srednja, viša škola, fakultet, sa naznakom mjesta gdje je završen, sa kojim uspjehom, dobijenim nagradama i dr.,
- Postdiplomski studij/specijalizacija sa naznakom: godina upisa i godina završetka postdiplomskog studija /specijalizacije, naziv postdiplomskog studija /specijalizacije, tema magistarskog/specijalističkog rada, datum i mjesto odbrane,
- Doktorat nauka, sa naznakom teme, datumom i mjestom odbrane,
- Kretanje u službi, sa nazivom i vrstom poslova koje je kandidat obavljao i koje obavlja u vrijeme izbora,
- Pohvale, nagrade i priznanja kandidata,
- Verifikovano znanje jednog svjetskog jezika ( za asistente i više asistente ),
- Prosječna ocjena tokom studija za asistente.

#### 2. NAUČNI I STRUČNI RAD, UMJETNIČKO STVARALAŠTVO KANDIDATA

##### a) Naučni i stručni rad, umjetničko stvaralaštvo kandidata do zadnjeg izbora

Dati pregled objavljenih knjiga, monografija naučnih i stručnih radova, javno predstavljenih oblika umjetničkog stvaralaštva, priznanja dobivena za uspješno djelovanje u određenoj oblasti umjetnosti kandidata čiji je izbor u toku, u formi bibliografskih podataka.

##### b) Naučni i stručni rad, umjetničko stvaralaštvo kandidata od zadnjeg izbora

- Objavljene knjige ili monografije ( navesti naslove, izdavača, mjesto i godinu izdanja - dati kratak kritički prikaz istih ),
- Udžbenici, skripta, priručnici i druga nastavna literatura ( navesti naslove, izdavača, mjesto i godinu izdanja ),
- Članci i kritike ( dati kratak kritički prikaz, izdavača, mjesto i godinu štampanja ),
- Prijevodi udžbenika, priručnika i druge nastavne literature ( navesti naslove, izdavača, mjesto i godinu izdanja - dati kratak kritički prikaz istih ),
- Naučni radovi objavljeni u naučnim časopisima i zbornicima u zemlji i inostranstvu ( navesti naslov rada sa bibliografskim podacima o časopisu ili zborniku i dati za svaki rad kratak kritički prikaz ),
- Stručni radovi objavljeni u stručnim časopisima i zbornicima u zemlji i inostranstvu ( navesti naslov rada sa bibliografskim podacima o časopisu ili zborniku i dati za svaki rad kratak kritički prikaz ).

##### 2.1. Doprinos razvoju i afirmaciji naučne i stručne oblasti

- Naučni radovi citirani u naučnoj literaturi,
- Patenti, inovacije, revizije i recenzije,
- Rezultati vlastitih istraživanja u primjeni priznati u naučnoistraživačkoj javnosti - navesti i prikazati,
- Navesti broj javno predstavljenih oblika umjetničkog stvaralaštva i priznanja iz određene oblasti umjetnosti,
- Doprinos razvoju i afirmaciji naučne i stručne oblasti kojom se kandidat bavi,

- Doprinos u podizanju nastavnog, naučnoistraživačkog i umjetničkog kadra (navesti imena onih kojima je kandidat mentor, naslove pozitivno ocijenjenih tema i mjesto gdje je odbranjena ili će se braniti doktorska disertacija odnosno magistarski rad.

#### 3. NASTAVNO - PEDAGOŠKI RAD

Dati precizan pregled nastavno-pedagoškog rada kandidata.

Navesti nazive predmeta koje je kandidat predavao ili izvodio vježbe na dodiplomskom i postdiplomskom studiju.

Inoviranje postojećih predmetnih sadržaja u predavanjima i vježbama, primjena savremenih metoda i pedagoških učila, odnos prema studentima, saradnja s kolegama itd.

Dati precizan pregled rada kandidata izvan nastavno-pedagoškog rada, ako kandidat ima.

#### 4. ZAKLJUČAK

Sistematizirati naprijed navedeno u formi zaključka s naznakom o ispunjavanju ili neispunjavanju uslova za izbor u skladu sa Zakonom i Pravilima.

#### 5. PRIJEDLOG

Formulisati decidan prijedlog za izbor.

Ako je na konkursu učestvovalo više kandidata, dati obrazloženje za onog kandidata koji se predlaže u odnosu na ostale učesnike; navesti njegove prednosti koje komisiju predjeljuju za prijedlog.

ČLANOVI KOMISIJE:

(čitko ime i prezime sa zvanjem i svojeručnim potpisom)

Mjesto i datum:

napomena:

Komisija može da navede i druge podatke za koje smatra da su od značaja za pravilan izbor.

Uz ovu Metodologiju članovima Komisije dostavlja se Izvod iz Zakona o visokom obrazovanju i Izvod iz Pravila JU Univerzitet u Tuzli, u dijelu koji se odnosi na izbor.

Sastavni dio Izvještaja za izbor je tabelarni pregled podataka. Kod izrade izvještaja Komisija mora imati na uvid cjelokupnu originalnu dokumentaciju sa originalnim radovima.

